

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzei Cawjbanh: Gvangsiah Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.12 Ng.14 Liggaueq nyaemzyinz nienz ndwenit ngeih'it Geizsoq: Gungh daih 3553 geiz

Siz Ginbingz Doiq Hong Henhoh Feihvuzciz Vwnzva Yizcanj Guh'ok Cijsi Youqgaenj Giengzdiuh Netsaed Guhndei Hong Daengxbuenz Henhoh Feihvuzciz Vwnzva Yizcanj Doidoengh Cunghvaz Vwnzva Engq Ndei Byaij Coh Seiqgyaiq

习近平对非物质文化遗产保护工作作出重要指示强调

扎实做好非物质文化遗产的系统性保护 推动中华文化更好走向世界

Cunghgung Cunghyangh cungi-suhgi、Gozgyah cujsiz、Cunghyangh Ginhveij cujsiz Siz Ginbingz geij ngoenz gonq doiq hong henhoh feihvuzciz vwnzva yizcanj guh'ok cijsi youqgaenj giengzdiuh, “Dinfwngz Guhcaz Cienzoengj Cungguk Caeuq Gij Sibgvenq Doxgven De” ndaej lied haeuj aen Mingzloeg Daibyaucjcoz Lenzhozgoz Gyaugohvwnz Cujciz Vunzloih Feihvuzciz Vwnzva Yizcanj, doiq hwnghfat vwnzva caz Cungguk gig miz eiqngeih. Aeu netsaed guhndei

hong daengxbuenz henhoh feihvuzciz vwnzva yizcanj, engq ndei muenxcuk yinzminz ngah'aeu cingsaenz vwnzva ngoenzngoenz demlai de, doicaenh vwnzva gagsaeng gag'ak. Aeu doidoengh Cunghvaz cienzoengj vwnzva maenhndei rox gag cauhoq cienjvaq、cauhoq hwnghfat, mboujduenh demgiengz rengz gietcomz Cunghvaz Minzcuz caeuq rengz yingjyangj Cunghvaz vwnzva, hawj vwnzmingz gyaulouz doxhag yied guh yied lai,

gangj ndei gij gojgaeq cienzoengj vwnzva maenhndei Cunghvaz, coihawj Cunghvaz vwnzva engq ndei byaij coh seiqgyaiq.
11 nyied 29 hauh, gaiq “Dinfwngz Guhcaz Cienzoengj Cungguk Caeuq Gij Sibgvenq Doxgven De” guek raeuz bauq hwnj bae haenx, youq gwnz Ciengzhoih Gaiq Daih 17 Lenzhozgoz Gyaugohvwnz Cujciz Baujhoh Feihvuzciz Vwnzva Yizcanj Gyang Cwngfuj

Veijyenzei youq Mozlozgoz Lahbahdwz ciuhai haenx doenggvaq le bingzsaenj, lied haeuj aen Mingzloeg Daibyaucjcoz Lenzhozgoz Gyaugohvwnz Cujciz Vunzloih Feihvuzciz Vwnzva Yizcanj. Dangqnaj, guek raeuz gungh miz 43 aen hanghmoeg liedhaeuj mingzloeg、mingzcek Lenzhozgoz Gyaugohvwnz Cujciz Vunzloih Feihvuzciz Vwnzva Yizcanj, youq seiqgyaiq baiz vih daih'it.
(Sinhvazse Baekging 12 nyied 12 hauh dien)



Yungzsuij: Haeuj Mbanj Dung Mbanj Myauz Bae Lwnghangj Gij Cingsaenz Ngeihcib Daih Dangj Raeuz 融水: 党的二十大精神宣讲进苗寨侗寨

Mboengqneix, Yungzsuij Myauzcuz Swciyen Swyungz Yangh Seizdaih Moq Vwnzmingz Sizcensoj cujiz gyoengq bouxlwnghangj bae daengz ndaw yangh mbanj Dung、mbanj Myauz lwnghangj gij cingsaenz Ngeihcib Daih Dangj raeuz.
Mwh lwnghangj, bouxlwnghangj giethab dangq mbanj dangq minzcuz dangq cungj vah aen daegdiemj neix, aeu vah Myauz、Dung、Cuengh、Gun daengj vah dangdieg daeuj lwnghangj, hawj gyoengq vunzmbanj dingq ndaej rox, rox ndaej laeg.
Daengz seizneix, daengx yangh gungh lwnghangj 15 ciengz, miz 1200 boux ganbu ginzung dingq lwnghangj.
Ndaw doz dwg 12 nyied 7 hauh, bouxlwnghangj youq Swyungz Yangh Dunghdenz Cunh lwnghangj gij cingsaenz Ngeihcib Daih Dangj raeuz.
(Liu Swjyen Lungz Mungyauz Mungz Veisuh/廖子渊 龙孟瑶 蒙慧芬)

Aen Hoih Yozsuz Yenzdauj Saujsu Minzcuz Yijvwnz Guengjsae 2022 Nienzdoh Youq Nanzningz Hai 2022 年度广西少数民族语文学研讨会在南宁召开

12 nyied 10 hauh, Aen Hoih Yozsuz Yenzdauj Saujsu Minzcuz Yijvwnz Guengjsae 2022 Nienzdoh youq Nanzningz hai, gwnz hoih nyinhcaen hagsib gvancez cingsaenz Ngeihcib Daih Dangj raeuz, gaenj-ndaet hopheux diuz sienqmeh couq-maenh gij eiqsik caezcaemh Cunghvaz Minzcuz, yenzgiu yaenglwnh minzcuz yijvwnz, vih gih raeuz laebguh aen gih yienghndei couqmaenh gij eiqsik caezcaemh Cunghvaz Minzcuz ok geiqmaeuz.
Gwnz hoih, Gvangsiah Minzcuz Dayoz gyausou Veiz Su' gvanh、Mungz

Yenzyau、Luz Yungjbinh, Gvangsiah Dayoz gyausou Cinz Funyiz daengj guh cawjdaez gangjavah, gij neiyungz gyoengqde gangj haenx yinx dwk gyoengq boux camgya haihoih naemj-ngeix lailai, caezgya cungj hopheux de yaenglwnh, vih baenzlawz guhndei hong minzcuz yijvwnz seizdaih moq daezok haeujlai genyi yigen ndei.
Aen hoih giengzdiuh, minzcuz yijvwnz yenzgiu seizdaih moq aeu nyinhcaen gvancez gij cingsaenz Ngeihcib Daih Dangj raeuz, gaenj-ndaet hopheux diuz sienqmeh couq-

maenh gij eiqsik caezcaemh Cunghvaz Minzcuz caeuq hong youqgaenj dangjvej cwngfuj bae guh. Aeu haeujlaeg roxnyinh gij eiqngeih hong yenzgiu minzcuz yijvwnz, doenggvaq cienjbienq sibgvenq gaeuq guhhong, gaijndei yenzgiu fuengfap caeuq guhfap, cauhoq gihci, lai yaenglwnh doxgap, lai mbe' gvangq doengh giz yenzgiu minzcuz yijvwnz, coi hawj gohyenz cwngzgoj ndaej baenz yungh, engq ndei bae fugsah gih raeuz laebguh aen gih yienghndei couq-maenh gij eiqsik caezcaemh Cunghvaz Minzcuz.

Gyoengq boux minzcuz yijvwnz conghyah yozcej daj Gvangsiah Dayoz、Gvangsiah Minzcuz Dayoz、Nanzningz Swhfah Dayoz、Gvangsiah Minzcuz Swhfah Yozyen、Yilinz Swhfah Yozyen daengj daihhag ndaw gih daeuj caeuq Swcigh Minzcunghvej、Gvangsiah Saujsu Minzcuz Guciz Baujhu Yenzgiu Cunghsinh、Gvangsiah Minzcuz Bause、Gvangsiah Sam Nyied Sam Cazcise、Gvangsiah Minzcuz Yijvwnz Yenzgiu Cunghsinh daibyaucj gungh 70 lai vunz camgya haihoih.
(Liengz Gvangsien/梁广旋)